

TE NEHEURAA API

I neia i te piha neneiraa no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farani i te matahiti hoê.

Nu. 1

Tenuare, 1920

Mat. 14.

E ia tonono mai oia ia Iesu Mesia, o tei haapaohia i mutaa-ihora no outou: ei te ra'i â hoi oia parahi ai, e tae noa tu i te tau e tia'i te mau mea atoa nei ta te Atua i parau mai i te vaha o te mau peropheta mo'a atoa no'na mai te matamua mai â o teie nei ao ra. Ohipa 3:20, 21.

E faaîhia te peho, e faahaehaahia te mou'a e te mau aivi; e faatitiaifarohia te pi'o, e te mau vahi puupuu ra, e faarirohia ia ei vahi papu; e faaitohia mai te hanahana o Iehova, e ite paatoa te taata i te ora a te Atua: o te vaha hoi o Iehova tei parau mai. Isaia 40: 4-6.

TE FAAHO'IRAA-HIA TE MAU MEA ATOA I TO RATOU RA HURU MAU.

Eita e tia ia tatou ia haroaroa i te "faaho'iraa", maori râ ia papu ia tatou na mua te mea i moe; aore râ i tei afai-e-hia i mua'tu ra. No te mea e, eita e nehenhe ia parau "faaho'i," maori râ ia taa-ê-roa te hoê mea i to'na vairaa mau. E ia parau tatou i te hoê taata e, e faahoi tatou i te hoê noa atu mea ia'na, i faaite ai ia tatou ia'na ra e, tei ia'na taua mea ra i te matamua, e ua riro ia mea mai roto atu i to'na ra rima, e te faaho'i faahou atu nei ia tatou ia'na i te ohipa i vai-ê na ia'na.

No reira, ia haapii mai te hoê peropheta i te parau no te "faaho'iraa i te mau mea atoa," ua faaite atoa mai ia oia e, ua tae te hoê faahuru-ê-raa i nia i te mau mea atoa, i huru-êhia i ratou i to ratou ra hete matamua.

No reira e matana tatou i te hiopoa i te huru o te mau mea atoa i to ratou ra hamaniraahia; e ia papu ia tatou to ratou huru i reira, e to ratou ra faahuru-ê-raahia i muri mai, e papu maoti ia ia tatou te hete o te faaho'iraa: E e riro hoi tatou i te tatari i te mau ohipa maere a te Atua o te tae mai. E ia na reira tatou, e ore roa tatou e onoono i te faahapa'tu i ta te Fatu ra ohipa.

E hi'o na tatou i te huru matâmua o teie nei ao, oia hoi, to'na huru maninaraa, e to'na ra hoturaa, e te vairaa hoi o te moana i reira ra.

I ta te Atua ra hâmaniraa i te fenua e te rai, ua faataa ihora oia i te poiri i te maramarama ra. E ta'na faaueraa i muri ihora, no te pape ia. "Ua parau ihora te Atua ia pue-ê te moana i raro a'e te ra'i i te vahi otahi, e ia itea te repo marô; e oia mau atura." Na teie nei irava parau e haapii mai i te hoê mea maere rahi o tei ore i haroaroahia na mua e to teie nei anotau poiri. E taua ohipa maere ra, o te ite ia i te huru o te mau pape o te vai-taa-ê-noa nei i roto i te mau moana, te mau roto e te mau anavai hoi. E mea pue ana'e ia i roto i te moana otahi i te tau tahito ra. E te fenua háhae-roa-hia na ropu, e te mau motu te ore e hope ia taio, e mea pue ana'e hoi ia i roto i te hoê fenua iti rahi, i te tau i hamani ai te Atua i te ra'i e te fenua nei.

I muri iho i ta te Atua hamaniraa i te ao nei, ua parau ihora Oia e, e mea maitai taua mau mea i oti ia'na ra. No reira, na ite tatou e, aita maoti te mau medebara e te mau vahi ano e te mau fenua vari noa, e te mau aivi pūpū i hamanihia i reira ra. Aita atoa e fenua toetoe roa i reira mai tei teie nei anotau. Te tupu maitai noa ra te mau raau nehenehe i nia i te fenua taatoa ra. E taua fenua aano e te ruperupe ra, e fenua papu ana'e ia, maori râ te mau faa rii e te mau aivi i faaau-maitai-no te faapuraa. Te vai faaauhia ra te mau mea atoa ei maitairaa no te taata, te mau raau, e te mau mea nee haere i nia i te fenua ra. Na te Atua i faatano i te mahanahana, te haumi, te marô e te toetoe, i ruperupe ai te fenua atoa ra. Ua noanoa te mau vahi atoa no te rahiraa o te mau tiare i tupu ra. Aita'tu mea i itea i reira, maori râ te ora e te hau e te maitai ana'e ra.

“Ua parau ihora te Atua, Inaha, te horoa'tu nei au i te mau raau rii huero atoa o te fenua nei, e te mau raau rarahi atoa e hotu ra no'na iho to'na huero ra; ei maa ia na outou e na te mau manu avae maha atoa o te fenua nei, e na te mau manu atoa o te reva e na te mau mea ora atoa e nee haere i nia iho i te fenua nei ra; na ratou te mau raau rii atoa ei maa. E oia mau atura.” Genese 1:29,30.

No teie nei maa irava parau i nia nei, i papu ai ia tatou e, aita te mau raau taero, e te aihere faufaa ore, e te raau iino i tupu i reira ra, no te mea e, te amu noa ra te taata e te man animala i te mau raau atoa ra. Aita roa hoi te toto i haamaniihia ia haamâha i te hiaai ra. Te mau puua o te fenua ra, ua autahoê noa ia i reira, e te liona te amu ra ia i te aihere mai te puaatoro: te parahi apipiti ra te lukō e te pinia mamoe, e te pinia puaniho e te nemera, ua apipiti ia i te taotoraa; te puaatoro e te bea, hoê â ia amuiraa e hoê â hoi faaeearaa to raua i reira ra. E aita roa ratou i rave ino noa'e, aita hoi i taparahi i roto i to te Atua ra mou'a mo'a.

Inaha, te taata o tei haamanihia i te hohoa o te Atua, te parahi ra ia i nia i te fenua ma te tura e te mana i nia i te mau mea huru rau ta te Fatu i hamani. Tei roto ra oia i te hoê ô nehenehe, e tei te pae ropu o taua ô râ te raau ora i te taraa, e te amu mai ra te taata i te hotu no taua raau ra mai te au i to'na ra huaai. Aita hoi te Fatu o te ô i taua-ê atu i Tei Hamani ia'na; area râ te paraparau noa ra oia ia'na, mai te hoê taata nei e parau atu i to'na ra taua. Ua ite hoi oia i to te Atua mata e to'na hanahana hoi, e aore roa hoi e paruru haapoiri i nenahia i ropu ia raua ra.

E hoa ino ma e, a feruri i te huru tahito o te fenua, to'na hauraa e to'na araaraa. Te parahi ra te mau animala, mai te hau te tahi i te tahi, e te oaoa ra hoi ratou atoa i nia i te fenua ra. E te mau manu no te reva ra ua huru rau ia, e ua faaroohia to ratou ra mau himene i te mau hora atoa ra. Ua auraro râ ratou e te mau animala atoa i te taata. O te taata hoi tei faatere i nia a'e ia ratou atoa ra. Te mau mea au-ore ra, oia hoi, te oto, te roimata e te auê e te pohe, aita roa ia mau mea i itea ia ratou ra.

No reira, aita maoti te tama'i, te mârô, e te haamanii-raa-toto i tupu i te fenua ra. E ua topa hia te i'oa o taua vahira o Edene, oia hoi "Oaoa."

Aita rá ratou i maoro i reira, hi'a ihora te taata no ta'na raveraa i te hara i faahuru-ê-hia'i te mau mea atoa ra. E no te mea e, na te ophi i haavare ia Eva, ua tuu te Atua i te au-ore i ropu i te huaai o te vahine e te huaai o te ophi. Te na ô maira te Atua i taua ophi ra e, "E tuu hoi au i te au-ore i riri ai ra ia orua, o te vahine, e to huaai e to'na ra huaai, na'na e haaparuparu i to afii, e na oe e haaparuparu i to'na poro avae." Genese 3:15.

O te taeraa mai ia o te au-ore e te inoino i te fenua ra. "Ua parau maira te te Atua i te vahine, E faarahi au i to mauui tamarii ra, e fanau mai ta oe tamarii ma te manini; e e auraro oe i to tane e ei fatu oia no oe." Genese 3:16. E ua parau maira te Atua i te taata ia Adamu, na ô mai ra, Ia iho roa te fenua ia oe, e amu oe i to reira ma te oto e hope noa'e ta oe pue mahana i to oraraa. E tupuhia ia i te tata-ramoa e te motuu no oe.", Genese 3:17, 18. "E ua tiavaru atura te Atua ra O Iehova ia'na i rapae i taua ô i Edene ra." Genese 3:23.

E i reira te paruru haapoiri i nenahia'i na ropu i te taata e to'na ra Atua, i riro atu ai oia e mea pohe i te paeau varua ra.

E ferni na tatou i te huru a teie nei faahuru-ê-raa, Te mau mea i parahi a'e ra mai te maitai e te auhia te tahi e te tahi i roto i te ô i Edene ra, ua huru-ê-hia ia ratou. Te tupu nei ia ratou te au-ore e te oto e te mama'e. E haamana'o na tatou i te ophi i te nee-haere-omoe-raa mai te mata'u i to'na omii o te haaparuparuhia ia i te hoê pepe pohe. Oia atoa te taata, e huru apî to ta'na haapaoraa i teie nei, te haere nei oia na nia i te e'a puupuu mai te araara noa, o te puta to'na poro-ava'e i to te ophi ra niho taero. Aita'tura i maoro i tupu ai te tairoiro, te taparahi taata e te mau hara e rau atu â. Ite a'era Iehova e, e ino rahi to te taata atoa o te ao nei ra. Ua na ô a'era Oia, "E haamou Vau i te taata i haamanihia e Au i nia i te fenua nei."

Te rahiraa mau o te mau faahuru-ê-raa i teie nei ao na roto i te diluvi, aita ia i horoahia mai ia tatou nei; e riro rá e, e mea rahi roa ia. E i muri a'e i te diluvi ra i te mau mahana o Pelega ra, i ootihia'i te fenua nei ra. "Fanau a'era ta Ebera pue tamarii tamaroa toopiti o Pelega tetahi i te i'oa, no te mea tei to'na ra anotau te ootirahia te fonua nei." Genese 10:25.

Poto noa'tu te parau tuatapapa no taua ohipa maere rahi ra, e tanturu iho â ia ia tatou ia haroaroa i te faaho'iraa e tae mai i te mau mahana hopea nei. Ua faahuru-ê-hia hoi te fenua i te aueneraa fenua e te mou'a auahi i tera tau e i tera tau. I te taima i pohe ai te Mesia i nia i te tatauro, ua amaha ihora te mau mato na ropu ra, e ua faahuru-ê-hia hoi te fenua i te mau vahi e rave rahi na roto i te mata'i rahi u'ana ra.

E ere rá te fenua ana'e tei faahuru-ê-hia. E hete apî atoa to te taata nei. I to Adamu raua o Eva nohoraa i roto i te ô i Edene ra, aita roa ia raua i viivii i te ino; o te maitai ana'e ra ta raua i rave ra. Ia burihia rá rana i rapae i te ô, o te haamataraa ia o te ino i nia i te fenua ra. E te vai noa mai na te ino mai reira mai e tae noa'tu i teienei. Te rave nei te taata i te ohipa iino e te tia-ore. Ua faufau to te fenua nei i te taero ava, te taiata, e te haavare e te mau hara e rave rau. E ua para hoi te tau no te faaho'iraa, e faaho'i-faahou-hia ai te taata i to ratou ra huru mau i te fenua nei.

E hoa ino ma e, e mea tia ia feruri rii na tatou i te haapurararaahia O Iseraela, ia nehenehe ia tatou ia haroaroa i te huru o to raton faaho'iraahia i te tau hopea nei. Te huaai a Aberahama o te na roto mai i te opu o Iakoba â Isaaca, te parauhia ia i te i'oa o Iseraera. Ua parauhia ratou i taua i'oa i to ratou vai-titî-raa i Aiphiti ra, oia atoa i to ratou tereraa na roto i te mebebara, e a faatere ai te mau haava i nia a'e ia ratou, e tae noa mai i te ariiraa a Rehoboama, te tamaiti â Solomona, i te matahiti 975 hou te fanauraa o te Mesia; e i reira te nunaa i amaha'i. Taiva atura na opu tino ahuru e te afa ia Rehoboama, a faatia'tu ai ia Ieroboama, (te hoê ati Epharaema), ei arii no ratou ra. O te ati Iuda

râ e te hoê afa o te ôpu a Benjamina, te auraro â ra ia i te ntufare a Davida ra. O na opu tino ahuru e te afa ra tei tapea â i te i'oa o Iseraela. Te ati Iuda e te afa o te opu a Benjamina ra, ua parauhia'tura ia i te i'oa o Iuda. Maoro a'era na matahiti e piti hanere e pae ahuru, i te vai-noa-raa i na basileia e piti i te fenua ra o Kanaana. I taua tau ra, oia hoi, i te matahiti 722, hou te fanauraa o te Mesia, i tae mai ai Salamanazera, (te arii o Asura), ma to'na mau nuu atca. Tama'i ihora oia i na opu tino ahuru e te afa; vi a'era ratou ia'na; hopoi atura oia ia ratou i te tâtîraa i Asura, o te moeraa ia o Iseraela, e aita'tura ratou i itea-faahou hia, mai reira mai i teie nei â.

I ta Isaraela afai-tîtî-raahia, aore hoi i roaa te hoê pae o ratou i te mau nuu o te arii, riro atura ratou i te ora i taua tîtîraa ra. Faataahia a'era te fenua o Samaria ei vahi parahiraa no te mau taata Asura. Te noho noa ra hoi te hoê mau Ati Iseraela i reira tei ora i te tâtîraa a Salamanazera ra, e ua faaipoipo amui atura ratou i te mau taata o Asura, i tupu ai te feia o tei parauhia, "to Samaria."

Te basileia o te ati Iuda râ, te mau â ra ia e tae noa'tui te matahiti 588 hou te fanauraa o te Mesia. I taua matahiti 588 ra i haere mai ai te arii, o Nebutaneta, ma to'na man nuu atoa; afai atura oia ia ratou i te tâtîraa i Babulonia ra. I faaite-atea hia te reira ia ratou e te mau peropheta. E tei te matahiti 600 hou te Mesia, i reva atu ai Lehi ma, i te fenua ra i America. E tei te taima a haavî ai Nebutaneta i te ati Iuda ra, i tere mai ai Muleka ma i America ra. E tamaiti Muleka no Zedekia, te arii o te ati Iuda i taua tau ra. Ua tapeahia ra te ati Iuda i te tâtîraa i Babulonia e tae roa mai i te hitu ahuru aore o te matahiti o to ratou nohoraa i reira. I taua tau ra ua haavîhia Babulonia e te basileia Peresia. E ua faatiamâ ihora ia te ati Iuda i reira ra, oia hoi, i te matahiti 518 hou te Mesia. Riro atura te hoê vaehaa o te ati Iuda i te hoiraa i to ratou ra fenua ai'a. Te rahiraa râ ua noho â ia i Babulonia. Te tahi vaehaa o te ati Iuda ra, te parahi atura ia i to ratou ra fenua e tae roa mai i te matahiti 60 i muri mai i te Mesia; e i reira ratou i haapurarahia'i, e te

mau nuu o Roma, i na otia e maha o te ao nei.

Ua hiopo'a iho nei, tatou i te faahuru-ê-raahia te ao nei e i te haaparararaahia o Iseraela ra; e to tatou ohipa e toe nei o te feruriraa ia i te faaho'iraa o te taata e te fenua i to ratou ra huru mau. E hi'o rii na tatou i tei faaitēhia i roto te Bibilia no taua ohipa faaho'iraa ra. Te na ô maira Daniela e, "Ia tae i te anotau o taua mau arii ra, e faatupu ai te Atua o te ra'i ra, i te hoê basileia o te ore roa ia e mou e ore roa hoi e riro ia vetahi ê, e hope roa hoi tana mau basileia ra i te parari e e pau e vai tera e a muri noa'tu." Daniela 2:44. Ua faaite atoa hoi Isaia i te faatupuhia i te tau hopea nei. Te na ô maira oia i to'na tohuraa e, "E riro ia tae i te mau mahana hopea ra e faatiahla te mou'a o te fare o Iehova i nia i te tupuai mou'a, e faateitei hia ia i nia'e i te mau aivi, e tairuru atoa mai te mau etene i reira. E rave rahi te taata e haere mai te parau e, e haere mai, e haere tatou i nia i te mo'ua o Iehova, i te fare o te Atua o Iakoba; e nana e haapii mai i ta'na haapaōraa, e haere tatou na te e'a ta'na e faaite maira; i na Ziona atu hoi te ture i te revaraa-tu e te parau a Iehova i na Ierusalema'tu ia." Isaia 2:24.

E hoa mo ma'e, ua faatiahia te basileia i parauhia e na peropheta ra. E no to taua Basileia, i patuhia'i taua fare i parauhia ra. E te tairuru nei hoi to te mau nunaa i reira ra.

Te na ô maira te Fatu i to'na ra Etaretia i te matahiti 1830, "Te parau a te Fatu no to'na Etaretia, o te haamauhia i te mau mahana hopea nei ei faaho'i faahouraa i to'na ra mau taata, mai te faaitēhia i te vaha o to'na ra mau peropheta, e no te haaputuraa i to'na ra feia mo'a, ia tia i nia i te mou'a ia Ziona, oia hoi te oire o Ierusalema Apî e faatiahia hoi te reira oire a haamatahia'i i te Tufaa no te Hiero, o te faataahia e te rima a te Fatu, i te otia i te tooa o te râ, i te Tufaa ra i Misouri, e ua haamo'ahia e te rima no Iosepha Semita (Metua), e vetahi atu â i tei mauruuru-roa-hia e te Fatu. Oia mau, o te parau teie a te Fatu, e faatiahia te oire o Ierusalema Apî e te haaputuraa no te feia mo'a ia

haamatahia i teie nei vahi, oia hoi i te vahi no te Hiero, e hamanihia hoi te reira Hiero i teie nei â ui; oia mau hoi, e ore teie nei ui e hope i te mou a faatiahia'tu ai te hoê fare na te Atua, e tuuhia hoi te reira e te ata, e o te reira ata o te hanahana ia no te Fatu, e i roa hoi te fare i te reira." Buba Fafaa Sanito 83:1-2.

Teie atoa te hoê â parau a te Fatu i to'na Etaretia no te paturaa i taua Hiero ra. Te na ô mai ra Oia, "E mai te aau hoê e te mana'o hoê, a haaputu i ta outou maa faufaa ia noaa ia outou ia hoo i te hoê a'ia o te faaitohia atu ia outou a muri a'e, e topohia hoi ia i te Ierusalema Apî, e fenua no te hau, e oire haapuraa e vahi peapearaa ore no te feia mo'a o te Atua teitei ra, ei reira te mata'uraa i te Fatu, no reira e ore te feia rave hara e tae atu i reira; e e topahia hoi oia ia Ziona." B. F. S. 45:12.

Ua ite Etera i te Ierusalema Apî te patuhia i nia i te fenua O America. Te na ô mai ra oia e, "E faatiahia te hoê Ierusalema Apî i nia i teie nei fenua, no te toea no te huaai o Iosepha." Etera 13:8.

I te matahiti 1832 i haapii atu ai Iosepha Semita (Metua) i to te ao atoa nei e, o te fenua i faataahia i Missouri ei tiaraa no te Ierusalema Apî, e patuhia i te tau hopea nei, o te tiaraa ia no te ô Edene i parahihia e to tatou na metua matamehai ra.

E tairuru faahou te ati Inta i to ratou ra fenua ai'a, e e riro ratou i te faatia faahou i to ratou ra oire, oia hoi te Ierusalema Tahito. Ua ite Ieremia i te reira e te na ô mai ra oia e, "I teie nei râ, te na ô mai ra te Atua o Iseraela, o Iehova, i teie nei oire ta outou e parau na e, ua tuuhia tei te rima o te arii o Babulonia, i te o'e e te poia e te ma'i. Inaha, e haaputu mai au ia ratou mai te mau fenua atoa mai i tiahi hia'tu ai ratou e au i taua riri no'u ra, i te ooo rahi na'n ra, e taua tairoiro no'u ra; e aratai faahou mai au ia ratou i teie vahi, e haaparahi au ia ratou i ô nei ma te ora. Ei taata hoi ratou no'u e ei Atua hoi vau no ratou. E horoa atu vau i te aau hoê, e te parau hoi na ratou, ia mata'u tamau mai ratou ia'u, ia maitai ratou, e to ratou ra mau tamarii a muri atu.


E fafau vau i te faufaa mure ore ia ratou, e ore hoi au e ruri ê i to ratou ra huaai, ia hamani-maitai râ vau ia ratou, e tuu hoi au i te mata'u ia'u i roto i to ratou aau, e ore hoi ratou e faarue mai ia'u ra. E oaoa vau i nia ia ratou e tanu vau ia ratou i ô nei, mata'u aau atoa e mata'u varua atoa. "Jeremia 32: 36-41. (E tuatihia teie parau.)

E ruperupe o Tiona i nia i te mau aivi, e oaoa hoi i nia i te mau moua, e haaputu mai hoi ratou i te vahi ta'u i haapao. B.F.S. 49: 5.

E riro ia tae i te mau mahana hopea ra, e faatihia te mou'a o te fare o Iehova i nia i te tupuai mou'a, e faateiteihia ia i nia'e i te mau aivi; e tairuru mai te mau etene atoa ra i reira. E rave rahi te taata e haere ma te parau, E haere mai, e haere tatou i nia i te mou'a o Iehova, i te fare o te Atua o Iakoba; e na'na e haapii mai i ta'na haapaoraa, e haere tatou na te e'a ta'na e faaite maira. I na Ziona'tu hoi te ture i te revaraa'tu e te parau a Iehova, i na Ierusalema atu ia. Na'na e haava i roto i te mau etene, e e faataa i te parau i te taata atoa e rave rahi; e tiapai ratou i ta ratou 'o'e ei auri arote, e ta ratou mau mahae ei tipi tope raau; e ore te hoê fenua e aa mai i te tahi fenua i te 'o'e, e ore hoi ratou e haapii faahou i te tama'i. Isaia 2:2-4.

No reira eiaha ia vare, e faaea râ mai te turori ore, i te hioraa atu i te rai ia aueue; e ia rurutaina hoi te fenua nei, e ia turori haere mai te taata taero avara; ia faateitei te mau peho i nia; e ia faahaehaahia te mau moua; e ia haamani-nahia te mau vahi puupuu; e o te reira atoa ra i faaoto te melahi i ta'na pu. B. F. S. 49:4.





Te Fare o Ihova i Roto Miti, Utaha.

Mau Parau Apî

Te tarahuhia nei te mau pahi reva e te hau Marite ia a-fai i te mau vea no te hau. Ua maue a'enei e piti taata faa-tere pahi reva, mai te oire Cleveland, Ohio i te oire Niu Ioka i (New York) i te afairaa'tu i te hoê mau vea. E 430 mile te atea, e e piti hora e pae ahuru ma iva minute te taima i pau ia raua i te maueraa i taua 430 mile ra.

Te faahoi nei te hau Marite i te mau mau-auri enemi Purutia i to ratou ra fenua a'ia. E hoê tauatini e maha hanere e toru ahuru ma hoê tei faautahia'e nei, mai te oire Niu Ioka i te fenua Purutia. Ua tapeahia taua mau taata ra i te tau tama'i.

Ua faehauhia te hoê orureraa hau i te fenua Hondura, e te hoê raatira Baratane, oia ana'e iho. E raatira pahi tama'i oia, e i te tupuraa o taua orureraa hau ra, ua haere oia i uta mai nia'tu i to'na pahi. Faaite atura oia i te mau taata orure hau ia faahope i taua peapea ra. No to ratou mata'u ua haapao te mau taata orure hau i te parau a te raatira.

Te feruribia nei te hoê faatereraa pahi reva. E anihia te mau taata faatere pahi reva no te mau hau atoa e tomo i roto i taua ohipa. Teie te maoro o to ratou maueraa, oia hoi e haaati i te ao nei. E maue ratou mai te tahi fenua i te tahi e ia ati noa'tu te ao ia ratou. Te faaineine nei te hoê taata rahi Farane i te vahi faaearaa i tera fenua e i tera fenua no te mau pahi reva. O Louis Beaumont te i'oa o taua taata ra. E hoê milioni dala te rê, i parauhia, no te taata o te na mua i te haaatiraa i te ao nei.

Ua haruhia'enei e te mau faehan Rumania, te hoê pahi reva Purutia, o tei tere mai Purutia i Rutia. Ua itea i roto i taua pahi reva ra, e toru hanere milioni rubela, (roubles) moni Rutia, e te hoê machine hoi no te neneiraa i taua moni parau ra. Hoê rubela, e hitu ahuru ma hitu pene ia. Te faa-uta ra taua pahi reva ra i teie moni i Rutia e tauturu i te

mau taata orure hau. Te mana'ohia nei e, e moni haavare taua moni ra.

Ua horoa'enei o Ioane D. Rokefela, (John D. Rokefeller) i te moni ra, e piti ahuru milioni dala, i te Sosaiete Haapiiraa Raau no te fenua Marite. E haamauahia taua moni ra i te imiraa i te mau raau apî no te parururaa'tu i te mau huru ma'i. E tautururaa rahi roa teie i te mau taote e i te mau taata'toa o te ao nei. E tapao faaiteraa hoi te reira no to Ioane aroha i to te ao nei.

Te neneihia nei te hoê mau buka apî, e au no te mau faehau matapo ia taio. Mai teie te huru o taua mau buka ra, e faateiteihia te mau tiaraa letera parau ia nehenehe i te faehau matapo ia fafa'tu, e na roto i to'na fafaraa i teie mau tiaraa letera parau e taa roa ia'na, o mea teie parau. Teie te i'oa o na taata papai buka o tei tauturu i teie huru ohipa apî, o Buta Tarakitona (Booth Tarkington), e o Toma Page, (Thomas Nelson Page).

Ua parari mai te hoê mou'a auahi apî i te fenua Mexico. Te horo atu nei te mau taata o tei parahi i ô a'e i taua vahi ra, mai te faarue atu i to ratou ra mau fare e to ratou fenua. Te afai nei ratou i te mau taihaa mama e to ratou ra tao'a hoi, e te riro pinepine nei hoi to ratou ra tao'a i te mau taata haharu e te eiâ o taua fenua. Te amahamaha-roa-hia nei te fenua i ô a'e i taua mou'a auahi ra. Teie te io'a o taua mou'a ra, O Popocatepeti.

Ua neneihia'enei te hoê mau hoho'a o te mahana. Te faaite mai nei te mau taata o tei nenei i taua mau hoho'a ra e, te ama noa nei te râ. Te pee atu nei te auahi e 160,000 mile i nia, mai nia'tu i te râ i roto i te reva. No reira mai hoi to tatou maramarama e na te râ hoi to tatou nei ao i tamahanahana'i. Ahiri aita te râ, ua pohe ê na tatou i te toe-toe. E i te fare hi'o fetia i parauhia Te Mou'a Wisona, (Mt. Wilson Observatory), i California i neneihia ai taua mau hoho'a maere rahi ra.

L. H. KENNARD Jr., Imprimeur, Rue Brea et de la
Rue Dumont d'Urville, Orovini, Papeete. Tahiti